

BERTA FILAVA*de Basili Carta*

Funi sos tempos de Berta filava
 Sedilo tando de linna fut prena
 ei sos crabolos in buttuross d'ena
 a brincos currinde ischerzaian

massajos a boghes si intendian
 apprettande sujù in s'eranile
 non mancaiat pastore in su cuile
 o iffattu 'e s'ama cantande a ottada

sa linna 'e tando como ch'est brusiada
 su crabolu 'e brincare c'at finiu
 no arat zeraccu 'onu e coloriu
 ne s'intendet ottadas de Tucconi

alluen s'istereo e cantat Baglioni
 ca no ischin cantare s'amorada
 in discoteca ballan sa lambada
 pois faghen andainas de crachina

in pag'ora la faghen sa faina
 tenen sujù a doppia trazione
 e si no proet b'est s'irrigazione
 a sa cussorza naran s'azienda

ogni arbeghe otto saccos de proenda
 ogni murtura litr'e mesu 'e latte
 cuntentos Zumi, Muledda cun Catte
 Martini e magasinoss de mangime

sa petza est in sapore de concime
 su casu paret panettone Motta
 cando brigant est semper pò saj otta
 pò atteros non s'intendet lamentelas

oe pranghen solu in sas telenovelas
 in cussas pranghen finas sos riccoss
 ca postu an sa tropea a sos burricoss
 e sos molentes bessin sena trava

*Transumanza*